

太

函

集

太函集卷之一百十四

新都汪道昆伯玉著

七言律詩一百二十三首

密雲送侯郎中出守思恩

膏車伐鼓下漁陽邊馬翩翩五鵠鵠自是軍儲須汲
黯誰憐郎署老馮唐九重春色從新主千里炎風
接故鄉試聽塞門橫笛好武陵一曲引杯長

送管將軍之任新安

少年公子晚成名羽騎翩翩出漢京萬戶提封新
帝命千門露布舊軍聲關河水待鳴鞭度山郭花迎

奉檄行見說天南氛祲滿憑將一筇墮撓撓

正月三日北樓席上贈督府劉公

三輔提封擁漢旌千尋飛閣控金城軒轅曆紀春正月
驃騎營開古北平關外尋常畱定遠日邊咫尺望
承明當筵莫問登高賦肺病于今似馬卿

開府楊公北樓宴集

中丞高會酒如何況復材官久息戈二月流漸江閣
迴千山落照塞門多薄寒最愛樽仍綠深酌那堪鬢
已皤樓上據床疑鄂渚陽春忽度郢人歌

題唐生園松樹

遠州春望一蕭森何處亭亭五畝陰
客子招尋傾蓋語將軍徙倚運籌心
卑枝礙日紛相接高葉凌風忽自吟
憶昔盤桓翻物役愁看翠黛落江深

其二

塞上千章亦自稠君家獨樹俯江流
岱宗遙見封中出天姥虛疑夢裏遊
無限寒潮通渤海有時孤雀到滄洲
須臾忽送城頭月髣髴明珠弄采虬

送潘別駕之嚴州潘爲尚書公子

經術承家第自高風塵去國興逾豪
春隨驛路鶯千樹郡下雲霄鳳一毛
吏事謾侵潘岳鬢賢聲早佩呂

方回集 卷之二十四 二
虔刀釣臺倘過羊裘客莫道行邊獸錦袍

其二

明到江城晝未央行舟昨夜發河梁正堪嚴瀨乘春
水況復潘輿傍故鄉奉檄喜心關老母請纓能事罷
降王部中方叔知名久莫厭論兵過射堂

水月寺

一徑鶯花到上方森森列栢儼分行虎溪流水縈精
舍鷺嶺層雲坐法王地靜隔林稀散梵亭深落日促
飛鷺前身恐是藍輿客醉倚孤松待月光

重過湯泉

過雨沙場盡耦耕垂楊野寺到新鶯池頭似識重游
客垓下曾看一洗兵滿甕雲蒸春酒熟富杯月抱夜
珠明何來席畔鍾聲早惆悵風塵未濯纓

都護席次開府公韻

戎馬相逢十載餘天涯投轄卽吾廬不聞塞艸三春
牧況對簷花五夜舒亭上酒杯銜落月坐中詞客接
長裾驪駒莫漫催行色尚有新聲出綺疏

席上緋桃

西園近接漢宮春雙出紅妝宴賞新天上露華驕國
色尊前酒態媚花神不言或恐朱顏妬畱客還於絳

節親把燭相看疑解語使君原是避秦人

最勝臺楊中丞宴集

渤海東來漢使槎高臺極目盡龍沙行間十日平原
飲望裏三春野戍花浪跡祇應依地主忘形那復問
天涯只今狂士誰同調猶有荆卿在酒家

鎮東樓

高皇東畧仗雄材翼翼榆關保障哉斥埃千山邊地
斷扶搖萬里海天迴周官掌節中朝出禹貢修文異
國來不是仙郎兼吏隱何因紫氣夜崔嵬

觀海亭

蓬萊隱見白雲鄉
渤海憑陵一望洋
大地九州懸碣石
遙天五夜見扶桑
巡遊自昔留秦島
朝貢于今款越裳
更說三韓方丈勝
明朝千騎出東方

其二

頻年吏跡遠滄洲
此日真成汗漫遊
海外神樓開結廬
斗邊使節問牽牛
青天月落魚龍夜
白浪風迴甲馬秋
露冕莫疑心事在
依然到處聚羣鷗

千山

招提處處宰官緣
海畔羣山佛土懸
地入三韓沙作界
天開二華石爲蓮
殊方未落玄菟日
絕壁誰通白

馬年勝蹟任教方丈在奇遊爭似法雲邊

送李太史出叅秦藩二首

詞臣奉檄出金閨日下長安咫尺迷和客正逢春度
雪舊京應待夜燃藜千秋真氣來關外百代家聲問
隴西明到曲江花事在王孫莫戀草萋萋

其二

漢苑何當得馬卿秦關忽漫借聲名由來岳牧應吾
道此去風塵自世情紫闥豈緣明主隔朱輪猶是
少年行倦游縱似文園渴太華芙蓉勝露莖
送潘象安南還壽母

登臨何處送將歸。秋盡燕山落木稀。東海豈無司馬賦。北堂殊有老萊衣。仙家池上桃三熟。客路淮南鴈獨飛。不惜二毛淹物色。願將寸草荅春暉。

象安下第謁行因訊豐干社諸子

十年京洛老潘郎。回首風塵望故鄉。薦達謾辭當路轂。飄零猶憶少年場。喜無經術推高第。怕有山靈勒大鄆。里社相逢如宿昔。祇應同醉酒壚傍。

黃方二山人至自漁陽幕府

當年緩帶得潛夫。此日鳴鞭過酒徒。魯國兩生終避漢。薊門諸將正防胡。里中烽火留京觀。幕下風雲倚

湛盧聞道塞垣吹笛好新聲得似武陵無

閩兩生自塞上起居因過龍華寺論詩同宿

執戟金吾自陸沉招尋朝市復雲林百年碣石談天
口五夜祇園出世心塞上雅歌操白雪燈前高坐布
黃金莫疑舊社非陶令試聽新聲作越吟

寺宿之明日喜象安來

客夜悲歌倚二豪故人乘興到綈袍飛揚並見詩名
起談笑都忘吏事勞霧樹隔籬谷繫馬天花滿座照
揮毫叢林忽漫來飛雪隣舍何妨問濁醪

都下送王生南歸逆婦

寶馬翩翩白面郎鳴鞭意氣出長楊
開河興在雙鴻鴈城闕春迴五鳳凰
耳畔似聞秦女弄眉端擬作漢宮粧
牽牛獨夜遙相望好寄愁心到故鄉

冬夜同郡諸君子携酒過舍中象安後至
相過冠蓋盡南州有客風塵自敝裘
閣上青藜分五夜里中白雪起千秋
盍簪仙吏俱兼隱彈鋏羈人未倦游
爲報明朝逢賜沐不妨深酌坐銷憂

大司空朱公大司馬譚公同過龍華寺

曳履平明下紫宸侯門落日到朱輪
夜占北斗臨雙樹路入西方絕四隣
佛地暫依居士業人天同現宰

官身由來白社須公等不厭清齋共許詢

其二

精廬負郭液池通澗道紆車長者同人望于今歸二
老官曹自昔並三公上方鳴磬經聲裏歸路篝燈樹
影中屈指高譚難再得明朝端笏掖門東

雪霽 召入禁中視除卽事

侍臣曳履白雲鄉中使傳宣禁籞長萬樹飛花雕輦
路千門擁篲羽林郎晝疑皓月留鵲鵲寒覺溫泉近
鷗鷺報道漢宮逢燕喜憑將郢曲奏明光

從同郡諸君子餞潘象安

立馬千山積雪新
當歌四坐勸杯頻
天涯狐貉俱游
子門外驪駒自故人
重以臨岐傷歲暮
轉於失路見
情親
後時莫避公車詔
先達今多獻納臣

雪後登五鳳樓

雙闕高騫出太清
層軒寒望及新晴
天中帝日黃金
榜
雪後卿雲白玉京
烟樹萬家當睥睨
露莖千尺避
枝撐漫疑方朔人
間在曾向蓬萊頂上行

二山人重宿龍華

長安雪後朔風迴
鳴劍牀頭夜自哀
何意傳燈初地
坐重逢
襪被故人來
授餐別院呼僧飯
貰酒明朝計

客杯避俗祇應兜率界問奇休擬子雲才

送二山人還漁陽因簡元敬

誰向漁陽借箸籌翩翩書記並應劉賦成不數誇胡
獵裘敝猶耽入洛遊匣裏魚腸恩易報市中駿骨價
難收塞翁生事何須問飛將于今尚未侯

寄劉督府

上公杖鉞薊門東黃石陰符佐漢功九命惠文加柱
後十年神武在師中麒麟當代推登閣鸞鶴宅年待
御風耽病只今須彊飯莫將辟穀謝臨戎

寄楊中丞

少年通籍入金閨，況復承家伯仲齊。
帝命中丞仍薊北，人稱夫子並關西。
九秋國計紆尊俎，萬壑軍聲罷鼓鼙。
見說轅門驩飲至，當筵有客醉如泥。

寄戚都護

一從銅虎出中朝，坐見匈奴氣不驕。
裘賜尚方新鞋襪，羽傳西域舊驃騠。
比年大宛無留馬，何處陰山有射鵰。
獵罷平原賓客散，閉門冰雪日蕭蕭。

寄王叅知

什二藩垣亦近臣，相將繡斧復東巡。
紫薇春色通金馬，白面霜威駐玉人。
刁斗四郊霜列戍，襜帷千里雨

行春佩刀久已藏燕市把贈夫君一拂塵

李納言索詩爲其父母壽率爾成篇

河上僊翁柱下孫遙遙紫氣至今存承恩太室從宣
室避迹夷門似鹿門三徑秋風雙白鬢九重春色一
清尊庭闈樂事還相並極目雲山何處村

唐仲子未孩而孤則其叔父撫之成立茲上郡
計尋拜治河使行取道南歸爲叔父壽余旣多
其世德稱詩祝之

繡衣猶子畫翩翩故里歌鐘動四筵朝命新加滄水
使家聲舊倚竹林賢一尊醕酊拚千日六尺崢嶸戴

二天何物當樓堪獻壽宣城山色供青蓮

汪駕部出叅蜀藩其先世自吾郡中徙楚

宗祀新都通百世時名畫省動三台尋盟正喜依燕
市化俗還應借楚材挂席洞庭春水合褰帷巫峽夏
雲開鼓行不用先傳檄父老爭迎漢使來

送余諫議之任南垣賦得新安江水

漢廷六傳下僊郎海甸孤帆傍故鄉春雨行邊飛瀑
布晴雲望裏出扶桑磷磷石瀨中流楫冉冉江蘭大
國香舉目銀河天咫尺卽看封事入明光

余明府上計京師尋拜合州太守旣而得謝趣

歸新安長君雅有父風時以諫議居南省

漢廷僊令有光輝雙舄來朝五馬歸赤縣幾年成美
錦黑頭何意遂初承專城創外迴中散列宿天南出
少微況復韋門經術在肯容瑣闥諫書稀

都下送東園下第

紛紛失路步徘徊多爾歸懷獨壯哉客里風塵雙鞬
在帝城烟樹片帆開清醕一醉還燕市白璧三投自
楚材當代肯容騏驥老有人知是渥洼來

都下送吳太守之杭州是爲余舊游地

夫君五馬赴名都三十專城竹使符自是主恩偏

岳牧況兼吏隱得江湖壯游已屬今詩伯狂態應傳
故酒徒到日褰帷秋色裏海門何處問蓬壺

其二

紛紛畫省盡含香誰是青春獨擅場何遜爲郎高水
部山濤得士重江鄉暫從曉漏辭鵙鵲瞥見春城下
鳳凰聖代無如經術貴賜金不負漢循良

其三

朱軒阜蓋首諸侯自昔吳公第一流編戶祗須還揖
讓分麾寧復問淹留雲霞閣上扶桑曉風雨齋中桂
樹秋舉目鄉關知不隔漸江咫尺掛城頭

其四

下里悲歌倚市朝
北溟何意趁扶搖
鄉心送客千門柳
海色迎人八月潮
莫厭提封當輻輳
何妨問俗到漁樵
舊游苦憶依山寺
乘興抽簪不待招

送汪尚寶冊封德府

皇家禮數重東平
天府聲名借列卿
海岱羣靈瞻使節
山河累代繫宗盟
奉車食邑三千客
賜履營兵七十城
未許掖垣虛侍從
行行早晚入承明

尚寶使畢將歷東郡泛西湖申贈二首

海國披襟暑欲滋
征徒揮汗出臨菑
躊躇艸露靈光

殿陟降松門太乙祠五夜雞聲聞日觀千秋馬鬣護
雲師晨風不送人俱往目極蓬萊有所思

其二

楊柳堤邊百頃開五湖深入少城隈路通牛斗乘槎
上山作蛾眉倚鏡來野艇薰風頻載酒洞簫明月獨
登臺諸天盡在清涼界好乞青蓮露一杯

送吳司諫叅政河南

僊郎朝下擁朱轡河洛提封漢大藩諫草已焚青瑣

闥使星仍屬紫微垣來時南國甘棠在

使君起家到
吾郡司理到

日東郊秀麥繁怪得褰帷山色好陽春先自郢中翻

其二

延陵國士入中原
賓從都門櫪馬喧
鳳下朝陽原不偶
鶯當別後故能言
舊京九鼎歸分部
少室三花待駐軒
何物圖書千古閱
勞君河上問真源

送太子太保工部尚書萬安朱公致政南還四首

曳履俄辭清路塵
賜環更出尚方珍
共疑主少須良佐
獨恤賢勞遂老臣
千里傳餐御寵命
百年拖玉乞閒身
歸軒不斷都門道
屈指如公有幾人

其二

川流不數漢時功歲計全看再冀通洛邑三朝聖
保虞廷九載課司空津頭故吏都官署河口遺思
子宮肯信當年滄水使猶堪垂老楚江東

其三

東門車馬向來稀何事都亭盡汗衣六月垂天聊一
息九霄帶日正孤飛匡廬大地林雙出彭蠡清秋棹
獨歸爲報里中諸父老賜金高會莫相違

其四

功告玄圭竟不居憂耽赤舄自今舒五陵城旦都人
頌一代河渠太史書已分康衢歌帝德且從彭澤問

吾廬里門爭識夫君面二十年来髣髴未踈

送御史大夫趙公之留都四首

劍履中朝出直廬衣冠高廟奉宸居三臺地絕孤
臣在一疏天高萬死餘王氣平臨金虎署神姦遠避
畫熊車只今寬法從張叔不用司空城旦書

其二

新開憲府舊爲郎按劍親曾借尚方到處秋旣天半
落行邊畫錦日重光湖山帶郭平分水開樹迎車還
得霜柱下惠文知不負帝鄉先許問南陽

其三

列栢森森歲月徂依然來下舊巢烏漢廷自昔須三尺周鼎于今重兩都丹闕法星移露掌白門卿月挂冰壺秋風回首江湖上何處登臺倚湛盧

其四

晴雲天畔出羣峰秦望遙應見岱宗故里探奇窮禹穴名都問俗歷堯封君門肯許沉金馬吾道爭看起燭龍況值平康占主聖好將揖讓答時雍

王仲房入閩訪徐使君卻寄一首

何緣王子復離羣無奈徐卿雅好文新命仍標銅柱界舊游不負幔亭雲尊前十日回春色海上三山送

夕曛別後故人無恙否殷勤爲問武夷君

舍弟至得虎臣詩卻寄一首

逢掖翩翩到惠連故人詩句五陵傳
醉鄉宇宙當浮白窮巷軒車避草玄
把酒相望燕市月披襟獨坐漸江天
只今落鴈秋風裏好在東籬叢菊邊

再寄虎臣

聞爾科頭坐據梧有時犢鼻倚當壚
三秋也自雙蓬鬢四海那看一酒徒
但對青山知已在何妨白雪和人孤
踏歌依舊緣江路乘月唯應過狗屠

題李公子白雪山房

侯家小築儼林臯寒日飛花覆白茅曉漏歸携常信
月晴窓坐擁廣陵濤縱無和客歌偏苦卽有游軒臥
自高聞說天山驕虜在牀頭一拭侍中刀

送莫雲卿請急歸省兼呈方伯公

翩翩縞帶拂風塵曾是公車第一人上國鳳毛原出
衆故鄉鱸膾且寧親士龍詞賦千秋業司馬江湖萬
里身況復名家耆舊在徵求須爾奉蒲輪

送楊少宰得請扶持太夫人東歸

延秋秋望海雲生六傳逍遙奉母行方朔金門聊左
次大家彤管更東征青鸞路入蓬萊近采鷁天開水

鏡平 聖主不緣新孝理仙郎那許出承明

其二

行厨秋後入江鱸五鼎寧甘繫 帝都海上正逢桃
獻寶雲邊遙下鳳將雛百年壽母鄉人頌三月嚴程
漢使符黃髮定逾叢菊老無勞愛日戀東隅

九日

倚杖孤亭秋可憐大鄣山色攬高天中分雲樹清江
上北望關河白鴈邊詞客千秋無宋玉歸人三徑有
陶潛白衣斗酒頻頻至棹臂東籬判醉眠

元蟲赦歸見過

飄飄遷客夜郎西尊酒相逢白日低戎事三秋辭竹
虎君恩萬里放金雞浮名豈爲馴龍姓薄俗還應
學馬蹄俠少只今無刎頸投竿吾欲老磻溪

送張太史冊封益府

帝遣分茅出漢宮豫章白日動雄風諸侯同姓親王
子使者名家太史公詞筆一停東觀草命圭重剪上
林桐賔筵縱有鄒枚在授簡還應避國工

太史便道覲省將奉璽書爲壽高堂

王程不爲許寧親使命何緣出侍臣鳳誥遙將青玉
案龍門並倚白頭人駐顏仙醴雙莖滿舞袖宮衣五

色新鳩杖還須依上國橋門一望屬車塵

武闈校士登明遠樓

高閣清秋列棘開君王拊髀羽林材燕關郭隗懸書
至漢闕終軍射策來直北胡霜清瀚海從東帝日駐
雲臺後車未許熊羆載倘有鷹揚人望迴

院中呈許贊善

誰堪羽獵校長楊詔許詞臣借尚方五夜將星占太
白三秋塞馬市飛黃里中狗監同時客門下汾陽異
姓王報道請纓人不少單于早晚避龍荒

寄懷四首

太行日日望吾廬
懶向西河問索居
久客不堪論往事
故人殊未絕來書
風霜地入黃花後
湖海天容白髮餘
好在扶搖書一息
圖南須待北溟魚

其二

草堂一寄北山遙
桂樹重勞隱士招
千里鄉書俱涕淚
五秋客夢只漁樵
未從鄭谷拋生事
謾逐燕歌託聖朝
試問長安車馬客
子雲門巷日蕭蕭

其三

屏居君自見交情
玩世吾兼吏隱名
謾道黃金和鮑叔
愁看白髮到虞卿
狂來萬里堪乘興
老去三山好

結盟總是浮沉人不識他時掉臂出承明

其四

窮愁聞爾伏丘園暫往依人避市喧九死身存豺虎窟半生心折鵲鴒原東陵豈有千夫膳南海寧無六月冤稍喜高堂仍健食蕭條黃髮負晴軒

送陳廣野出理河間其先爲余邑人茲以春秋舉進士

戀戀天涯卽故鄉班班車下復離觴股肱舊屬扶風郡意氣新從結客場僊掌雙瞻瀛海上法星一繫貫城傍引經知爾文無害自昔高門接大鄣

王瞻美以貲爲郎得太醫院從事時敬美守祠
部元美出填鄖關而瞻美則受職東歸兄弟蓋
三分矣余以通家申贈情見乎辭

燕山不與酒人羣歸去江東臥白雲世業舊承司馬
氏禁方新受長桑君金莖春色三荊並玉樹秋風五
柞分好在 聖躬天北極迴看佳氣日氤氲

郊壇遇雪

羣帝翩翩奉上皇玉龍蜿蜿白雲鄉近郊田燭寒相
照廣陌朝珂夜自光花落三天知獻瑞葭飛九地應
迎長莫教方朔增華髮仙侶翻疑執戟郎

至日示弟

燕臺冬至靜雲霞望入柴桑故里賒客計天涯親棣
萼年華雪後傍椒花五車尔及春陽盛六翮吾從暮
景斜盡日閉關惟綠酒嚴城何處自清笳

歲癸酉 賜葬定襄王介弟太傅忠僖公逆周
公瑕銘王墓中道聞忠僖訃匍匐墓下並銘之
時 上耽六書有欲進公瑕者公瑕不欲卒謝
歸吳余多公瑕義甚高因贈七言二章爲別

生死惟君意氣存蕭蕭垂素出王門白頭未改狂夫
態綵筆寧干 聖主恩晚傍風塵耽澤國干隨花柳

到江村客星此夜乘槎去太史無勞伺帝閭

其二

平生然諾寸心懸都市艱虞旅食年短褐三冬依碣石
豐碑百尺表祁連愁當世路同推轂興在春湖獨扣舷
明到延州無長物曾將佩劍掛新阡

元夕憶仲嘉

憐尔春宵淹故里轉於都市憶當時客星未聚魁三象
卿月遙分太乙祠五夜燈花應獨酌千門火樹故連枝
何如村社喧逐鼓歌舞還從沛下兒

送朱光祿出理崇府

酒甕盈盈出尚方都亭嫋嫋柳初黃信陵國士聞朱
亥西漢親王重汝陽鄉路定知移棹晚侯門莫馱曳
裾長它時授簡徵詞賦坐客何人最擅場

送李尚寶冊封崇府歸省相公

都亭新雨淨塵纓使者中原結駟行業擅韋門推相
種 詔分漢節蒞宗盟枌榆受社千秋重桐栢浮槎
五兩輕聞道汝陽虛客席莫辭河朔滯王程

其二

古來家慶似君稀況復朝恩奉使歸良夜西園傾四
坐薰風南國問重闌黑頭几杖頻應駐紫氣開河望

不違到日趨庭聞鯉對 聖躬六尺正垂衣

送劉太史使秦冊封取道省觀

簡書無若使君優殿閣親逢太乙遊百二金城盟白
馬五千玉笈駐青牛日臨東觀長安曉雨過西陵大
暑秋載筆不須勤著論三秦裂土盡諸侯

其二

扈聖何緣盡屬車寧親還許赴皇華地分牛口親王
國天近龍門太史家開尹道傍占氣色官衣日下帶
雲霞壽杯好進三危露歸路須携十丈花

附寄太史尊人太守公二首

一從稅駕避中原更喜傳經藉後昆
召對三川年獨少歸休萬石道逾尊
僕夫即使嚴星駕公子還應下里門
試問舊游聊屈指只今燕市幾人存

其二

淮陽臥閣憶當時有客披襟醉不辭
汲黯終難州郡

老鬻熊殊易帝王師

太史生七年余見客

通家日喜官曹近過

里天容使節私中歲定知頭未白尚方還就酒如澐

爲袁進士壽母詩

翩翩遊子對公車咫尺封書慰倚閭
故里白雲生漢署它時青鳥引潘輿
慈顏遙想當杯見喜色虛疑奉

檄舒報道仙郎逢帝問蟠桃枝上近何如

尚寶王次公以五月生蓋春秋始彊矣不佞陳
詩爲壽凡四章

君從結髮策明光新綬纔看肘後黃國士南州歸小
陸詞臣西掖擅長楊論文盟許三分定報主身堪四
十強海內弟兄吾黨在鴈行終日望衡陽

時長公在楚

其二

魚珮珊珊近至尊列卿東面奉朝暉十年金馬仙
郎籍五夜銅龍聖主恩莫問孟嘗高紫闥且從河
朔倒清尊解醒怕似文園渴官井傳冰下帝閣

其三

漢庭侍從盛西清況復同時得馬卿三世由來皆許
國十年以長更從兄時長公始艾自携舊省金華秀並見
層霄玉樹榮任道君家多樂事輞川未必勝蓬瀛

其四

綠槐紫燕戶庭幽堂上條然五月秋酒伴豈應無擊
筑隣翁殊自有披裘兩都籍籍矜青眼九列紛紛避
黑頭自笑陸沉耽執戟瑤池曾憶尔同遊

七月十五夜靜海道中示弟

歲歲孟蘭奉法幢今來晚飯泝空江漢宮猶傍蟾三

五燕塞先歸鴈一雙舊社宰官身可老扁舟客子興
難降遙知龍象中天度畱得尼珠在夜窓

十六日舟中雷雨呼酒與弟同酌

天上河梁五夜成明朝雷雨動盈盈恰逢堤柳檣烏
宿共對江蘋醪蟻傾正喜披襟辭苦熱不妨挂席待
新晴故園屈指三千里到日還同漉酒生

次博平陳使君書至

一從持斧荅昇平三輔紆籌借大名對食尋常懸鉅
鹿題書咫尺到聊城通家喜動斑衣色去國翻歌白
苧聲千古漆園今下吏伊人應識倦游情

使君寄新詩卻寄一首

天末涼風畫舸迴故人東望一登臺
九河落木先秋下南海明珠照夜來
謾擬心神開什襲逾看氣色動三台
憑高到處堪乘興誰似凌雲作賦才

夜發淮陰泛湖二首

淮南木落水微波疊鼓黃昏發棹歌
海月可憐秋正好湖風莫問夜如何
孤飛帆影隨烏鵲不盡潭香到芰荷
咫尺牽牛河漢上浮槎倘許一相過

其二

客游入夜轉逍遙挂席長風破寂寥
浸月影深叢桂

樹拍天聲近廣陵潮江關鴻鴈行相引水國魚龍臥
自驕絕勝寒宵乘興去山陰道上木蘭橈

過湖

江鄉依舊五湖秋漢使真成八月浮河伯逡巡疑北
海舟人倏忽指南州到來萬頃開鸞鏡望裏孤城出
蜃樓賦客不須愁落日卽看神女弄珠遊

望金山

何來海藏攬江流天遣羣靈擁帝州淨土真成金作
埒空華幻出蜃爲樓塔邊鴻鴈凌風起堦下鼉鼉抱
日游待月欲依重閣晚歸舟恐失五湖秋

望焦山

襖被曾棲處士宮
蓴鱸猶得及秋風
雙飛采鷁江天
上一片青蓮海氣中
叢桂謾勞招短棹
扶桑準擬挂
長弓
獻花舊識山僧面
翻笑歸人鬢已蓬

望北固山

五兩南風白浪驕
迴舟江上轉逍遙
山靈鼎立蟠千古
詞客風流擅六朝
無數征帆收渡口
依然官閣出
山腰
空林不斷秋江色
白露蒹葭帶落潮

吳門東遇叔曉

天末涼風起白蘋
扁舟有客小烏巾
已從蕉鹿還初

服何意尊鱸到故人袖裏尚新三歲字尊前未老
年身相逢莫惜中秋後今夕還看月滿輪

叔曉迴舟同登虎丘時叔曉將之金陵先一夕
既登矣

行舟一問鳳凰臺返棹重持鸚鵡杯正喜登山乘
酌不妨載月判遲迴三秋劍氣離宮闕五夜珠光
域開坐擁千人疑聽法生公何處未歸來

九日同諸弟登高

故山杖屨復吾曹依舊茱萸對濁醪無數菊開
彭澤里有時松起廣陵濤正逢秋色舒眉宇莫惜
霜華入

鬢毛客醉不知燕市隔羣歌猶似酒人豪

其二

谷口層樓四望宜登臨況復及秋期漫辭深酌拈鷄
鵠早見高冠挂鷄鷄丹嶂祇應當北牖白衣還擬到
東籬醉來拂枕堪同臥一任斜陽客散遲

陳丈人酒星亭

丈人身世託高陽黃髮清尊到上皇牛斗天空星作
客松蘿地迴醉爲鄉少微正王千秋氣太史應占五
夜光況復燕歌來酒伴相從猶似少年場

龍谿先生遠過里居呈謝二首

拂枕歸來臥敝廬倒衣忽漫奉安車空山爲指襄城
路故國還携禹穴書落木九臯聞老鶴驚濤千里見
神魚獨憐希有終難識莫問行歌楚接輿

其二

雲門東去漸江懸秦望遙看岱嶽連已見玄經傳海

內何緣紫氣到關前人間鳳下通侯郡

郡大夫爲先生門人

吾

道鷹揚尚父年翻憶五陵曾結客空勞碣石坐談天

送沈明府謫信州戍會赦不原

金雞不解逐臣愁鐵馬猶堪壯士遊天姥故鄉歸枕
上夜郎明月望刀頭殘年冰雪雙蓬鬢長路風塵一

蒯緱見說東胡延國討邊廷倘許借君籌

其二

桃源徑晝夜珠明白眼何人按劍行吾道豈應悲失
路公家殊自急干城河梁水落舟仍繫山郭風高劍
自鳴底事征夫多氣色臨岐新著縵胡纓

載酒如意寺送沈問之卽事有贈

襪車冉冉碧油張山寺陰陰白日藏郭外浮雲開慘
淡簷前淨土立蒼茫結廬乞我雙林勝對酒輸君五
斗強明發扁舟彭蠡去將因李白過潯陽

姚明府大觀樓成

岩岩山郭出神樓冉冉雲霞望帝州排闥正當千嶂
合鳴琴遙入五溪流早朝何處迴仙令高詠于時屬
隱侯見說河陽花滿縣登臨倘許及春遊

其二

簷前山色撲衣來檻外江聲帶郭迴睥睨連雲蟠鉅
麗招搖人夜倚崔嵬絃歌百里還周雅詞賦千秋借
楚材謾道銷憂憑戶牖重勞極目問蒿萊

宣城沈孝廉過訪東郭草堂孝廉故善家弟

屏居不負倦游情招隱還勞歲暮行白雪豈應來郢
客青山或恐似宣城通家對酒窮愁破愛弟耽詩太

瘦生自是故鄉春事早卽聽伐木鳥嚶嚶

其二

柳市經過興獨豪草堂被谿總吾曹連枝雪後三荆樹五采天邊一鳳毛掉臂浮名中散老停車真氣大鄣高莫嫌近市無兼味不盡比隣有濁醪

海陽過陳丈人小飲

衡門黃髮切雲冠依舊紅顏握手看老去太丘安子舍歸來彭澤及辛盤清齋五夜分藜藿綺席諸孫並
萑蘭正喜元方春酒熟八拊十日盡君歡

其二

薄暮停車拂市塵入門投轄自情親
君家有子難兄弟我輩忘年任主賓
故國千秋誰和客初衣五載又歸人
陽春總是尋常曲莫遣歌鐘動四隣

方萬戶春秋及耆代諸弟爲壽

新釀桃花春酒醲
侯門日暮動歌鐘
尊前客禮千金壽
閭外軍容萬戶封
白草沙場矜自老
赤松天路許相從
通家遙祝江干土
共指南山第一峯

太函集卷之一百十四

太函集卷之百十五

新都汪道昆伯玉著

七言律詩一百十九首

春日同家弟發歙浦泝漸江過長沙里

新年雲物漸江開
合浦流漸盡舸迴
剡曲山川乘興去
漢陂兄弟好奇來
花神終負詞人筆
草色重經釣客臺
多病馬卿應自惜
相逢那得不啣杯

薄暮抵江氏園

渡頭繫纜一乘軒
煙樹冥冥宿鳥喧
夜雨人家彭澤里
春風子舍辟疆園
浮名誤我纔能覺
遠道思君未

太函集

卷之百十五

敢言況復初衣俱故國猛拚十日醉平原

迴舟

夾岸高低霧樹林出門移棹晝陰陰名園公子筵初
散歸路王孫草漸深不盡綠蘋添雨色相求黃鳥解
春心沿流直欲浮滄海方朔于今不陸沉

席上戲贈吳珪

青衫皂帽黑頭顱名在高陽舊酒徒壺裏尋常千世
界場中百萬一樗蒲蓬萊姹女人多少勾漏丹砂藥
有無報道歲星君自識金門回首即江湖

雨中歸興

依然南浦艤迴波一曲滄浪罷棹歌越水扁舟歸去
好輞川積雨向來多可憐者柳黃金縷莫惜沾泥白
玉珂信宿故人今又別江樓高臥夜如何

王居士栖潭園迄今法臘七十諸佛子將爲居
士壽抵余賦詩二章

少年彩筆引長虹洛下翩翩國士風負氣肯干千乘
貴觀身俄入四禪空市中寂莫耽揚子溪上逍遙過
遠公自是壯心銷未盡牀頭留得寶刀雄

其二

十年不擬著潛夫四衆還應禮大巫已向人天窺色

相肯容霜雪入頭顱有時倚樹招黃鶴何處凌風戲
錦鳬自此清齋依佛日莫教容易過屠沽

寄題梅使君天逸閣

中年吏隱傍滄洲高枕歸來臥黑頭半畝烟霞梅尉
宅孤城風雨謝公樓人間藜杖通仙侶天上蒲輪避
故侯就此端居堪自老三山五岳任神遊

其二

綺䟽高出苑溪濱雲物遙分帝里春倚檻山河雙老
眼拂衣天地一閒身胡牀與落當樓月漢節功辭屬
國麟我亦倦游依草閣相看雨後岳蓮新

送程子虛之南太學

逢人按劒莫相疑入市投珠炯自奇
邑里舊傳齊客賦橋門新睹漢官儀
路經暑雨梅初熟天近秦淮桂欲垂
司馬只今辭犢鼻文君未許恃蛾眉

聞江丈病起

交游垂老足吾曹消渴經旬憶爾勞
病後未從河朔飲眉間忽起廣陵濤
紫芝黃綺盟猶在白日羲皇臥自高
稍待秋風吹漸水扁舟準擬過持螯

七月七日送季弟應試金陵

都亭馬向秣陵嘶珠勒金羈汗陸離
牛斗幾年占夜

氣鵲橋今夕及秋期世情祗覺歸來晚國色寧容出
嫁遲卽使行媒鳩更拙蹇脩端不誤蛾眉

七夕

正喜涼雲到薜蘿不妨高枕臥巖阿星辰忽漫驚流
火風雨何來趁渡河天上銅壺愁欲絕人間貝錦巧
逾多明朝擬泛扁舟去好聽秋聲子夜歌

送陳孝廉之南太學

暑雨何緣過襁車程期邨許避尚書五雲睥睨中天
鳳六月扶搖大海魚就舍瞽宗傾國士臨雍仙仗儼
宸居知君興在秋雲下肯使斑衣負倚閭

奉寄吳氏叔爲壽時余客饒中

曾將方朔入承明
掉臂歸來藥已成
肘後禁方歸國手
壺中真隱避時名
門庭正憶懸弧在
鄉里寧須曳杖行
咫尺軒皇丹鼎閤
相邀秋後問襄城

再送子虛

幾年著論擬潛夫
此去升堂謁大巫
河漢客星三輔入
園陵王氣五雲扶
居人望幸思高廟
國士論文集上都
莫以傳經從絳帳
壚頭一顧酒家胡

輓吳三處士是爲中書君叔兄余以中書君故會葬

翩翩比翼各飛騰
憐爾卑棲氣益增
結客至今傾北海
承家自昔繫延陵
人間甲子駒難繫
客里揚州鶴許乘
誰向江天歌殢露
北風吹作玉壺冰

其二

金閨愛弟接華裾
故里相逢白髮餘
爲報鵲鴿原上急
不禁鴻鴈晚來踈
飛霜十月扶丹旆
執紼千人擁素車
手澤儘餘周八士
漢家莫問茂陵書

詹東圖謁行則與計偕詣闕下俯仰今昔情
見乎辭

古堂背郭到鳴珂
馬首風雲擁戶多
落木千山辭白

社層冰十月渡黃河天人不負臨軒問地主誰邀
筑歌報道長楊誇羽獵看君侍從賦如何

送蕭廣文遷任成都屬邑

鄭老南州未厭貧綈絕何意拂風塵到來漢署青羶
舊歌向巴人白雪新驛路聽猿巫峽晚流澌飲馬錦
江春中和樂職君能事益部諸生待奉輪

陳仲魚之喪丈人未釋憂色余吊丈人于其里
賦詩解之

西河有客問霑裳白恰蕭蕭獨撫牀垂老煙霞餘
夜承家詞賦失靈光不妨脫屣人間世好在脩文地

下郎滅望祗應過惠子叩閣何用卜巫陽

游南源即事

雪後東風也自柔出郊聊且試春游江村髣髴催官
柳野渡徘徊借客舟勝地春糧輕百里空山暴足破
千秋青錢肯惜經行處不飲還應儘杖頭

其二

浮雲白日本無嫌淡抹濃妝勝更兼已度銷魂孤徑
又何來刺眼萬山尖振衣曲磴凌飛閣負杖懸厓倚
步檐但得一丘營栗里肯教五柳避陶潛

其三

南陔何處一相尋
鳥道逶迤迴自深
春望寒帷經樹杪
溪行信步入山陰
盤空直下龍蛇窟
落日還穿虎豹林
吹面谷風寒已薄
可容倦客坐披襟

其四

邑里那知地自殊
幾家雞犬隔林紆
巾車不避居人問
幙被還携愛弟俱
白恰候門邀杖屨
青燈把酒話蓬壺
種桃千樹今應遍
任道春來事事無

其五

夜深風雨到匡牀
蚤起扶携問法堂
地近庾桑招舊隱
山疑姑射出新妝
避人澗道橋垂斷
擁路樛枝蔓

故長林外一聲清磬落不知身世近西方

其六

石徑霏微過雨痕溪流宛轉護松門金篦初地空王界玉椀終天望帝魂萬壑雷聲春隱隱千山雨色晝昏昏直愁歸路驚棲鳥爲報行厨罷夕飧

其七

谷口招尋一徑斜白雲深處赤松家年深衆竹從遮屋春淺仙桃未著花絕壁五丁開混沌還丹九鼎護煙霞加餐更勸胡麻飯遮莫迴車路轉賒

其八

初聞谷鳥報新晴遂有隣雞破曉行峽出武陵曾繫
纜峰迴縹嶺尚聞笙驚心雲雨論交態回首風塵避
世情翻咲老來逃絕海將依餘粒足殘生

宣城梅使君及其伯子修郡志成遣使促余序
者三至余以負疾謝不敏詩報伯子因呈使君
國書半入敬亭蕪地紀重開禹會圖業擅子長經兩
世才慳玄晏避三都斑衣歲月寒相傍華髮林泉病
自扶已判一春供授簡可能容易殺青無

園亭木芍藥作花同二仲小飲

晴軒風日媚花神曲檻新妝倚太真半吐露華疑自

語羣窺棣萼故相親
名家不數姚連魏
傾國仍兼號
與秦洎滴爲君開
酒禁明朝鴟鳩是餘春

萬年橋

使君遺澤五溪東
驅石橋成利涉同
地踞金湯三輔
郡天廻砥柱萬年功
參差石勢疑烏鵲
縹渺江流見
白虹亭上至今畱
醉處蓮花面面似山公

魁杓亭

北斗城邊出大鄣
孤亭天畔逼瑤光
三都氣王儁關
紫九鼎霞開帝時黃
一自寒暄來海岱
卽看比屋近
陶唐使君最是
高經術睥睨翻翻下鳳凰

喜黃山人至

戶外蓬蒿積雨平
海門客有安期生
到來眉宇烟霞色
老去詩篇金石聲
吾道漸看霜鬢重
人情一任夏雲輕
三年寂寞緣何事
咲殺玄經草未成

城上觀濤有懷江方伯

西望霞城黯不開
五谿片片雪山來
壯心未減尋源使
起色誰當作賦才
千雉莫愁翻陸海
六鰲儻許駕蓬萊
聞君伏枕江干上
急爲披襟坐釣臺

荅仲房

屠沽市上狎招尋
徑草蕭蕭負郭深
杖錫有書傳谷

口廻舟無意避山陰浮雲正傍登樓賦積雨偏宜伐
木吟天末涼風應咫尺好携江月問東林

送黃全之赴齊雲山脩志

江湖共識少微星杖屨仍趨太乙庭授簡天門關樹
紫藏書石室岳蓮青荷衣也自朝羣帝芝檢還應護
萬靈莫怪茂陵無禪草馬卿多病戶常扃

秋日同弟仲嘉過虎臣

蒹葭秋水帶江村客有羊求過葦門三徑荒蕪重把
臂十年契濶幾銷魂新詩早已增華髮故態旋應減
綠樽歸路最宜乘落照野橋相送又黃昏

重陽前二日同諸弟登金竺山

竟日攀躋鳥道賒高天寥廓鴈行斜河沙下見三千
界木葉平分十萬家疊嶂芙蓉晴欲滴疎林橘柚遠
從遮年來莫問登高賦原上相看髣髴華

金竺山遲虎臣時以疾不至

準擬扶搖並羽翰何因蕭瑟臥江干陶家好事邀高
會楚客悲秋中薄寒強自憑陵遙對酒仗誰問訊更
加餐白雲滿地三山出絕勝銀濤海上看

九日集諸弟樓中

共把茱萸憶舊遊不辭村市貰新菊江山故宅千秋

里風雨重陽百尺樓坐客揮毫今謝氏歌人佐酒古
梁州夜深秉燭東籬下肯許黃花避白頭

九日問虎臣疾兼簡公臨

九日柴桑舊草堂故人風雨隔河梁眼邊俗物應同
病坐上嘉賓况異鄉犢鼻不禁沽酒肆科頭好在讀
書牀但辭夢澤歸彭澤便覺韓康避杜康

贈吳人俞公臨

十年側注薄爲儒匹練東來迥自殊白岳藏書探越
絕朱絃度曲廢吳趨山靈爭避新詩句市隱長依舊
酒徒紫蟹黃柑秋正老江鄉莫謾憶尊鱸

九月十二日爲吳氏嫂五十壽詩

雙棲梁孟傍蓬壺九月風烟儼畫圖
婦子初筵魚入饌仙郎中曲鳳將雛
鬢分盧橘懷邊綠顏駐蟠桃醉後朱
謾道廣寒靈藥在生年半百一愁無

東郭送公臨時將報姑孰還建業

一曲驪歌在市門千山秋色照離尊
懷中白壁寧論價腰下吳鉤未報恩
久客聲名三輔起窮交意氣五陵存
陽春十月江南路不用綈袍也自溫

虎臣兄子仲實期余谿上水嬉余携家弟仲嘉
而徐孝廉俞山人咸在卽事三首

咫尺南谿接輞川
恰逢地主竹林賢
尊前木葉千章下
棹外篴絲百丈牽
彤勝天廻豐樂水
風流人比孝廉船
桃花潭上歌聲起
有客停杯獨扣舷

其二

卷幔青天倒接羅
由來山簡興多奇
高陽賓從疑褻
水落日兒童勝習池
疏鑿更從斤竹澗
遲廻長傍木蘭陂
扁舟縱落鷗夷子
爭似浮槎事事宜

其三

羣峰倒影玉崔嵬
錦纜沿洄疊鼓催
听幘九臯尊蟻
盡篝燈五夜燭龍廻
蓬壺已判乘桴去
蘭漿猶煩載

酒來客散竹枝歌更好依依側耳立蒼苔

春霽過肇林適方于魯見訪

松門一逕引招提雨雪新年步屨遲
文室有時聞臥病籃輿何意到攢眉
禪枝歷歷分晴樹僧飯依依共露葵
不惜經行春草色相看咫尺謝家池

月下于魯從諸弟過小樓夜坐

乘月何妨陌上行
踈燈疊鼓報新晴
興來庾亮牀堪據
老去楊雲草未成
子夜競翻吳下曲
陽春忽度郢中聲
高談不盡驚人語
河漢盈盈入坐傾

春日從諸郡公存江四方伯

行春五馬漸江湄野客巾車許自隨久伴離羣巢父
隱還瞻拜老漢官儀侯門已借青山在授几寧辭白
日移鳳下潁川應有待親從丹穴睹神奇

陪諸郡公登仙人石

晴雲高出石熒熒小隊探奇更一停峽路初開巨靈
掌江天久謫少微星當關紫氣塞帷見扣角清歌倚
枕聽一片直畱題峴首莫教謾勒北山銘

上元前夕雨集仲實園

儘教宿雨惱花神還向高陽逐酒人水國珠懸爭照
乘天河月滿且埋輪應徐蓋擁西園夜秦號裝分上

苑春遙憶漢宮祠太乙萬靈先灑屬車塵

元夕雨中再集

里社鶯遲石燕先華堂漏下燭龍懸莫嫌神女連山
雨好在羣仙不夜天藜火著花垂閣上梅風度曲落
尊前也知不屬金吾禁吹簫林膏又一年

十六日夜即事

積雨遊人成信宿高門春事轉光輝單車未許迴油
壁四坐還看出羽衣舞袖風飄香霧濕歌梁塵化彩
雲飛曲中客散頻回首不信陽春聽者稀

魁杓亭同二弟看雪是日郡大夫校士故有末

句

東郭相從躡履行
千山雪色近連城
孤亭並倚青藜杖
三輔遙開白玉京
載酒祇應拚日暮
飛花卽復待春晴
梁園賦客知多少
謝氏風流有弟兄

吳虎臣玄覽樓

高枕唯應事臥遊
清齋况復謝糟丘
慈雲佛坐三千界
明月仙家十二樓
無數煙霞飛麈尾
有時風雨吼牀頭
彌天檻外王孫草
一徑還爲杖屨留

寄贈吳閣老惟登時春秋六十矣

金門掉臂卽蓬萊
仙里煙霞待爾開
三徑春游鳩杖

出九苞朝食鳳雛來夢懸西掖雙鳴珮坐對南山一
舉杯獻賦祇憑青鳥使故人今在少城隈

歸舍聞虎臣舉子

家在陽林玉樹傍忽看花發鬱金堂梁間玄鳥先春
乳掌上驪龍照夜光投璧平生惟季重御車它日有
元方由來新語堪傳業莫問當年客裏裝

雨後同諸弟飲十五弟嘯園

谷口衝泥一逕斜園林朝雨到桃花五陵春色分韋
曲諸弟風流總謝家倚席最宜當落日迴車準擬待
棲鴉壯游謾道尋常事尊酒相逢鬢易華

晚集江明府連城館

歸來仙令得巖阿北斗城頭挂薜蘿開戶東西迴日
月寒闌表裏入山河青門下見吾廬近碧草平分客
席多魚鑰不妨干醉尉騶奴莫問夜如何

樓
江伯禹期予兄弟及虎臣舟游阻雨移席紫陽

江天風雨妬春游睥睨居然勝拍浮斷酒客疑元亮
社抽毫興比仲宣樓河山帶郭清如洗烟樹當窓翠
欲流南浦片雲飛不度倚闌誰唱古梁州

東郭送張太史還朝

歸來負郭傍東菑積雨都亭半柳枝
斗酒恰逢脩禊日舟梁遙望渡河時
青門莫問中人產絳節還陳列
國詩爲報舊知燕市裏春風舞袖鬢如絲

贈故人子許太初太初能琴

夙昔相逢俠少遊移家正傍漸江樓
主人已化遼東鶴令子空傳洛下裘
五夜攬衣歌白石三秋挂席問滄洲
匣中流水知音在謾向風塵拂蒯緱

春杪虎臣謁行則從秣陵之廣陵中夏還郡

江南春盡兩蕭騷有客東行耐薄勞
疋馬黃梅岸浦道扁舟白雪廣陵濤
千秋舊食拋雞肋五采新雛戀

鳳毛計日青門瓜正好歸來一摘足吾曹

再贈虎臣兼呈思善

白下紛紛俠少場風塵誰復識行藏曾從江漢題鸚鵡更渡秦淮詠鳳凰何處停車邀上客有時倒屣出中郎年來酒態應銷盡不是新亭舊楚狂

病中遣二歌者還國兼寄諸王孫

漢署仙郎任滑稽一麾好在楚宮西徵歌處處移中曲飛夢時時落大堤多病祇憑青玉案相逢猶唱白銅鞮孟嘗客散雍門在歸傍城烏五夜啼

其二

結佩當年憶漢濱，猗蘭芳杜不勝春。
謾傳山簡非凡吏，忽到何堪是故人。
如意任教聲裂石，接羅翻咲鬢如銀。
臨岐各拔龍陽淚，叢桂尊前賞更新。

聞安懿王薨唁諸王子

西園常憶酒杯頻，南國初傳羽衛陳。
詔下祁連仍賜地，尊開雲夢幾留賓。
青牛一去關門斷，白馬重盟帶礪新。
不盡長風松謾謾，堦前留得老龍鱗。

王子東園翁故善余茲葉國人且三載適部人
還國感而吊之

行雲竟日駐宮牆，激楚流商夜未央。
趙魏賢豪尊介

弟江湘賓客盛諸王鶯歌易入新鵝鵲龍種難留老
驪驪見說秋娘常落莫莫教舞袖更郎當

鄖城王大婚不佞幸以東巡預嘉事喜聞舉子
因寄近體稱賀云

巫峽當年正授綏荆門初日早懸弧天垂西極原龍
種地割南陽是鳳雛江漢派分周列國風雲岳降楚
名都喜來爲問高陽客重到池頭一醉無

即事戲贈棗陽王

有客傳言從漢浦相期御氣到天都白雲黃雀招來
否赤水玄珠探得無凖擬煙霞高羽翼任教霜雪近

頭顱扶搖九萬緱山路方丈還應問大巫

南州王孫幼嘗師事不佞適投詩至力疾荅之
建牙重布萬家春拖玉初承六尺身赤社南頭叨地主
朱門北面儼天人長淮鴻寶遙相命大澤驪珠歛
自神聞道三千容食客可無彈鋏惱比隣

荅鄭宣州

雲山偏屬謝宣城風壤相隣漢長卿石枕尋常乘暑
薄玉壺咫尺倚冰清書來一問加餐飯病去還期結
臂行明到溪頭橫笛起宛陵半入武陵聲

爲江方伯壽吳夫人詩

梁鴻十載託幽棲舉案相從老會稽七月恰當流火
近雙星遙望渡河齊筵依玉樹開華屋觴引瑤池入
漸溪勝地祇應仙侶並明霞長挂赤城西

聞大司徒得謝志喜

紆籌百粵捷書收曳履千門國計優豈謂橐中留意
苒翻從柱後得菟裘關河好趁秋風度來繡還堪晝
日遊多少賜金供召客故人擬作醉鄉侯

往珂公肇林聚講迄今十年余居廬公帥大衆
來吊因爲期重講期解東歸古人或坐殷憂率
以少歌當哭予未輟哭聊短述贈之其後一章

則以贈大眾

東林一笑幾經春
攬涕相看白首新
護法還依長者子
逃禪莫問宰官身
片言誰悟心無住
丈室爭誇會有神
漫向江流留折葦
林中面壁更何人

其二

雨花重見度西方
風木那禁墮北堂
地檀初開金作埒
天容未減骨支牀
倚門莫謾歌桑戶
入室誰堪問樂王
翻笑攢眉池上客
醉鄉爭似法雲鄉

送喻少府令墊江

立馬臯門匹練懸
馬頭落日促離筵
雙鳬蚤賜朝天

履百丈爭迎上瀨船望近雪山無六月陰留棠樹有
三年到來一洗巴人耳堂上薰風入五絃

送方于魯之金陵

賦成肯待承明詔病起翻從俠少遊
流火長天牛渚夜當關涼月秣陵秋
新裝自許傾三輔敝刺誰能過五侯
故里只今饒桂樹小山知爾未淹留

贈虎臣時虎臣春秋四十矣

少年猶憶結交場晚計俄驚四十彊
窮路傍誰寬痛哭浮名知爾託佯狂
坐中客禮容徐穉病後生涯付杜康
莫向秋風吟澤畔他時握手鬢俱蒼

吳舍人輓詩

燕市悲歌傍爾豪故園松桂復吾曹人間萬事歸羆首身後千秋付鳳毛西掖汗留青竹在北邙風入白楊號新阡莫問延陵劍斗氣宵懸宰樹高

郡司理舒相君入比部

仙郎遙赴白雲曹駟牡寧辭赤汗勞此去更持三尺法向來不避五陵豪甘棠故郡陰常滿盡省新秋望轉高聞說漢家方尚少肯容綠鬢讓羣髦

再贈舒相君

徵書迢遞隔天閭郎署逍遙足主恩即使陽春

輸下里豈緣陰德擬高門黃金縱爲消人重青史惟
應法吏尊秋入九河翻大陸風波回首一銷魂

送太守徐使君治兵東魯

都亭東首五驂騑父老依依擁道周馥翊專城勞臥
治華胥舉國得神遊望迴烏鵲刀頭月寒耐羊羔雪
色裘最是郢歌當歲晚陽春一曲使人愁

其二

鳥道千盤入大鄣天移綠鬢尚書郎獨憐轅下鳴騶
裏爭覩城頭集鳳凰越砥一裝星落齊風千里海
泱泱扶桑東盡天王地賜履還應出尚方

其三

山河什二古東秦
部曲寧煩續
谷新營時云亭延旦
草儒林鄒魯望
紆紳行吟正喜經
梁甫保障那能備
寇恂徙倚天都瞻
日觀分明滄海度
朱輪

其四

別去倉皇賸夢思
由來堅白絕磷緇
中厨脫粟無兼味
南國甘棠有特祠
雲臥祇餘姜被在
風流那許習池私
我聞祇樹容聽法
願向靈巖乞一枝

送思善量移隨州二首

萬里江湖興可乘
秣陵風雨接春陵
提封正切周湯

沐臥治仍分漢股肱此去郢中饒白雪向來和氏避
青蠅三湘一望通炎海六月何妨息大鵬

其二

行色偏承 帝澤優五花散作五驂騑君從虎口啣
新命我向羊腸憶舊游覆手誰爲巫峽雨愁心好寄
洞庭秋襄陽耆舊如相問爲報山公盡白頭

從王之相乞觀相內無如繡佛兼出壺榼餉余
先是諸少年頂禮有不肅者爲作謝之

曾聞繡譜工夫巧親見金鍼盡作高纖手重勞傳桂
栗醇醪兼得醉蒲萄豈緣西極來青鳥翻悟前身坐

白毫任是天孫須退避可容俠少不粗豪

閣集

南枝東閣儼揚州有客徘徊轄自投地主詩名高水
部天涯春色到羅浮當杯謾道催頭白下榻還應借
夢遊賸有青藜堪照夜宛如片月在簾鉤

其二

結綺風微夜未央居然縞素倚新妝香紫磴道三重
閣影遍樛枝十仞墻國色豈應驕粉澤年華殊自耐
風霜江南不用傳都使坐上相看總故鄉

觀舫

扁舟竟日繫菰蒲云是鴟夷事五湖課績謾勞書越
絕徵歌還許出吳趨長年移棹頻來往子夜凌風忽
有無東望十洲應咫尺扶桑準擬駐檣烏

其二

青蛾雙引五雲裾桂棹相將百頃餘言脫女瓊樓浮結
蜃湘靈錦瑟出遊魚俄聞水調翻中曲轉見星槎切
太虛猶憶漢江隄上路山公老去興何如

徂秋負病禱齊雲山歸而病愈獻歲月雨雪至
至日始晴

曾扶靈壽歷清秋更乞刀圭耐黑頭晴日乍曛鴉鵲

觀祁寒仍在鷦鷯裘洞天豁遠通三界陸海微茫辨
十洲衰疾久拋黃石略逍遙擬伴赤松遊

宿太素宮又雪

雪後仍聞五夜鳴朝來絕勝萬峰晴西陵一駐青牛
駕北極重開白玉京帝遣羣靈封漢時天留七聖在
襄城只今已出雲霄上肯待它時羽翼生

胡使君乘筏逆余岳麓同下汶陽

擊楫何來滄才似御史治水乘槎同下白雲鄉峰迴
玉井千花簇地劃銀河一葦航縱目不嫌風卷幔賞
心況有酒盈觴誰云興盡山陰道城柝村燈夜未央

登海陽尊經閣閣由使君首事故未及之

縹緲翬飛時上遊分明海藏出神州遺經萬古沿河
洛秘閣千尋闕斗牛東壁豈緣鰲立極中天絕勝蜃
爲樓從知柱下君能事莫問關前紫氣浮

胡使君海岳樓

使君新第里門開徙倚層軒海岳迴路盡南溟鵬起
去牕含西岳崔飛來千秋誰復登樓賦百尺惟應出
世材直北雲山遮不盡憑陵華頂望三台

胡使君巡察西粵尋移觀察黔中余過海陽有

贈

故鄉風雨釀春寒絕域寧辭行路難白簡兩都持國
是蒼梧千里辟神姦不愁驛使音書少爲報蠻方節
制寬握手看君頭未白十年一著惠文冠

燕

小樓上下綺窓開舊壘高低社燕來隔歲鶯花應有
約經春風雨更無猜含愁謾作梁間語學舞堪從掌
上迴隴麥只今泥滓盡莫教飛去暗陽臺

上巳沈太史期余禩中阻水弗克往

間關積雨入天都宿昔相期佇路隅自是山靈辭後
至却教河伯阻前驅亭中授簡詩多少溪上流觴客

有無報道游軒乘夜返村煙欲暝問清酤

送蘇君昭之金陵

風塵曾敝黑貂裘結束猶堪白下遊
九市懸壺新國手五陵貰酒舊壚頭
橋門或過高詹事幕府應留李鄴侯
懷裏報恩珠徑寸秦淮明月向誰投

送後岐翁歸宛陵二首

曾探鳳穴歷煙霞親見龍騏起渥洼
君向囊中耽測景我從柱下託通家
新阡處處迴芳草宿雨村村過
落花咫尺宛溪連漸水相將八月待浮槎

其二

杖屨何緣久滯滛山川無處不登臨仙都正王青雲
氣客里誰工白雪音地下玉魚閣起色日邊金馬引
歸心岳蓮十丈空王坐秋後乘風共爾尋時上策無
量壽宮歲
相期以
九日至

方趙宗新玄覽堂予見客旬日因賦近體一首
僊翁別業傍漁磯疇昔妖星逼少微池畔龍蛇先自
避堂前燕雀復相依當庭三鳳雲門下狎席羣鷗練
水飛自是通家兼好客平原十日竟忘歸

送程子虛應舉金陵

朱衣有底妬紅顏白恰無端鬢欲班暑雨又經犀浦

道秋風先度秣陵關神魚九萬搏南極善馬三千避
上閒謾道未央天咫尺五雲直北是燕山

送程思玄應舉金陵

甘泉獻賦十年餘內史新開尺一書楚調向來傾客
里漢廷此去對公車爭迴赤汗龍爲友宴罷紅顏玉
不如爲報三河連甲第親從九地問堪輿

臥病商山詹博士東園見客

山居好在綺園家澗道何來白驥車一席披襟分灌
木三年握手共衰麻傳經劉向心猶壯入社陶潛鬢
已華屈指交游今幾在不禁愁絕莫長嗟

再贈東圖

東南吳楚接江鄉，千古風聲動豫章。
我望匡廬迴鳥道，君探牛斗辨龍光。
坐中上客傾徐孺，門下諸生盛魯狂。
回首新亭留結桂，天香端不讓甘棠。

即事送公瓚之白下

聞道長安有狹斜，秦淮秋色到蕪陵。
相逢落日烏衣巷，爲花曲江但醉湘。
靈瑟故里遙瞻漢使槎。

象安赴尚書期遲而後發時將取道北上則少宰有成言云

長風何意起扶搖大隱還應傍市朝西省尚書期驛
至南州高士避弓招時迫鄉試金莖雙闕千秋露雪浪孤
槎八月潮况復青霄知已在寧須綠髻向人驕

送許明府自績溪調金壇

桂櫂秋風漸水傍桃花春色載河陽雙鳬咫尺移仙
令百雉東南列帝鄉杯自初筵更大白琴從中曲
入清商到時滄海應重潤去日甘棠正未央

秋夜宿古城文昌閣

高閣平臨北斗迴長松深護古城隈千山秋色窓中
盡五夜濤聲海上來雲臥不妨千象緯巖樓更喜得

樓臺自慚搖落悲秋客豈是憑陵作賦才

晚登白岳

帝時高標落日懸仙關遙望白雲天衝風布帽堪勝
髮向夕監輿未息肩東海虹霓秦策石中天鵠鵲漢
祈年頻來不爲金光草秋後貪看玉井蓮

海陽山樵得虎十二囊而致之縣大夫留中夜
谷風咆哮詰朝遁跡遠徙余以南陽事類卽事
賦之

西風怒撼九秋濤北度驚聞五夜號質子歎關空虎
穴居人比屋仗牛刀鳴弓謾賈將軍勇載筆應書長

者勞昏旦不妨歌扣角南山白石屬吾曹

古城文昌閣下築虎觀

京觀曾傳築武宮蘭臺爭得納雄風千尋閣引青藜
照萬歲山開白虎通具有文章驚坐上即看氣色起
封中登歌正擬奚斯頌魯泮先陳第一功

文昌閣卽事送閔孝廉仲豫上春官

閣上招搖帶六星尊前意氣在都亭忻逢雕虎開東
觀正及神魚起北溟負琴徐看迎縣令題書急爲報
山靈酒人燕市如相問肺病經年得獨醒

太函集卷之百十五

終